



UNIVERSITÄTS-
BIBLIOTHEK
PADERBORN

Universitätsbibliothek Paderborn

Rei Poenitentis Simplex Et Hymnis Confessio

Coloniae Vbiorm, 1645

CAP. XVIII.

urn:nbn:de:hbz:466:1-10133

me simillimum non esse dolorē: quibus propter formam, quemadmodum est in fabulis, contigit, ut misere amarentur. Sed torquebat in primis, ac supra quam dici aut credi potest dilacerabat & cruentabat cor meum obtrectatio crudelis & atrox, quæ etiam zelotypia dicitur; nimirum ægritudo ex eo, quod alter quoq; potiretur eo, quod ipse concupiscerem. Quam id me male urebat! quantum mihi, in æmulum meum, odium concitatbat, quod ne morte quidem ipsius placari posset! si quidem, sicut scriptum est in Canticis canticorum, fortis est ut mors dilectio; dura ut infernus æmulatio.

C A P. XVIII.

O Insensatum ac stolidum! quis me fascinaverat, ut, relicta veritate, ad fabulas converterer? quis palatum animæ meæ ita perverterat, ut solum illi dulcesceret, quod de fœtida limosaque carnis concupiscentia prodiret? quis me ita immutaverat, ut fœdum, impurum, iris ac suspicionibus resertum amorem, pura, jucunda, secura, tibique soli debita dilectione mutarem? Si fieri mihi mutuum vellem in amore, quem potius, quam te, amarem, qui diligis diligentes te, qui amare prior occupas, qui non immutaris, qui temere ab amicitia non abis? Si expeterem, qui ultro se mihi dederet, quem potius quā te eligarem, quia amore amoris mei langues, qui dies noctesque, capillis rore conspersis, & cincinnulis guttis noctium plenis, excubas ad ostium cordis mei, & pulsas, & amatoriis illis verbis clamas, Aperi mihi, aperi mihi, soror mea, & sponsa, formosa mea, columba mea?

C A P.